

華東少數民族文獻

第五卷

中國華東文獻叢書

中國華東文獻叢書編輯委員會

中國華東文獻叢書·第五輯

華東少數民族文獻

第五卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：田兆元

本輯副主編：安儉 范長岡

參加編輯人員：錢婷婷 吳麗麗

本卷目錄

藍山詩集	〔明〕藍仁撰	〇〇三
天津皇會考	〔民國〕徐肇瓊編	二七三
天津皇會考紀	〔民國〕望雲居士撰	二九一

本卷目錄

藍山詩集	〔明〕藍仁撰		〇〇三
天津皇會考	〔民國〕徐肇瓊編		二七三
天津皇會考紀	〔民國〕望雲居士撰		二九一

【明】藍仁撰

藍山詩集

〔明〕藍仁撰，刊本。

藍仁，字靜之，自號藍山拙者，與弟藍智均爲元末明初詩人，崇安將村里（今福建武夷山市星村鎮）人。二藍早期先後跟隨福州名儒林泉生、武夷山隱士杜本學習《春秋》、《詩經》，博採衆長，形成自己的風格。一函一冊。書長二十四點三釐米，寬十五點七釐米；版框長十七點九釐米，寬十三點四釐米，四周單框。每半頁十行，行二十一字。

藍山詩集

藍山詩集

原序

詩自三百篇至于盛朝遙遙二千餘載而其體之變不一有離騷有漢魏六朝有盛唐唐之詩人無慮數百家而以杜少陵爲首稱者以其能兼衆體有一飯不忘君之忠也後世言詩必欲如風雅如離騷如漢魏如六朝如盛唐有能得其彷彿者幾人哉然作詩之道要歸乎可興可觀可羣可怨而已不必論其世也建甯崇安藍先生靜之學行甚高蚤有用世之志與其弟明之俱有詩名後登清碧杜先生之門獲聞先輩作詩之法大有所悟遂棄舊習力追盛唐而宗少陵無何遭元鼎之沸

藍山言集

八閩繹騷絕意仕進與明之棲遁巖谷更倡迭和消遣
世慮凡風雲雨露煙霞雪月林泉木石魚蟲鳥獸以及
動作食息人事世故與悲歡憂樂忠憤感激一於詩發
之猶梓匠斲輪規圓矩方靡不合乎度猶伶倫調律宮
宣商協靡不應乎節由其學之審蓄之厚故發之無不
中蓋有少陵遺風讀其詩者亦足以知其志之所存才
之所至而惜其時之不遇也明之在國朝洪武初應詔
擢廣西僉憲得以吐胸中之奇以鳴盛治殆無負平昔
所學而靜之已老不獲少展厥志以隱淪終然而詩名
彰彰豈不足以傳世乎其子仲穆嘗彙所作得六百餘

首未及板行而歿諸孫幹等始克鋟梓以傳而蔣易張
渠倪伯文諸先輩序之已詳今崇安邑宰麗水金君懷
復以書來請序其端可謂不沒人善而知所重皆可書
也是爲序正統二年丁巳秋八月朔嘉議大夫禮部左
侍郎羊城陳璉

原序

吾嘗愛杜甫氏之言曰讀書破萬卷下筆如有神又曰
許身一何愚竊比稷與契未嘗不知其志之大言之高
宜爲百代詩人之宗也觀其際唐升平未久遽遭離亂
恨不得身爲稷契致君堯舜使綱倫大明於天下而四
海皆豐富之民則唐之天下又安有亂亡愁苦之患哉
其志不遂乃以破萬卷如神之筆發而爲變風變雅之
大音遺響以鳴其忠君愛國思古傷今之情其志大言
高蓋如此哉前乎杜者自楚騷以及兩漢魏晉宋齊梁
陳隋諸作此少陵之所以取材者也後乎杜者唐宋迄

今數百家之體製各擅所長多取則於少陵者也元興而趙子昂氏之詩倡其始虞楊范揭踵其後諸作雖互有淺深得失而皆無愧於盛唐仙酒之才超宗太白大家之什規準少陵聲音之道與政通而知者鮮矣予寓武夷之九載一日有藍氏之四賢良曰榦顧栻操者袖其先祖靜之先生詩集一編揖余而請曰先君子仲穆不幸思世家學而早亡嘗類集先祖之詩分爲五七言絕句與律古選長歌六百餘篇欲刊而未果榦也敢忘繼述將鋟諸梓以續先志於無窮亦孝子慈孫之所當爲者也願干一言爲之序予受而熟味之則深有得乎